


Nɔmlɔ adesa dengme gbomi sisije



Ngmalɔ Edward Hughes
Foni he ni tsulo Byron Unger; Lazarus

Sisi jelo Regina O. Caesar
No mi malo M. Maillot; Tammy S.

Mawu munyu enyone nɛ a je kɛ je Mawu munyu nyingmi ekpa mi

M1914.org

Bible for Children, PO Box 3, Winnipeg MB R3C 2G1 Canada

He blo: O nge he blo kaa o ma je womi nɛ ɔ mi nyazia a eko
e kpade se mohu, si abo nɛ pi nɛ o yaa jua.

Mawu le kaa wa pee nihi nɛ sɛ nɛ a
ji yayamihi. Yayami he hiwo ji gbenɔ.


Mawu suɔ wa sane wawɛɛ. E tsɔ E bi Yesu nɛ e ba
gbo nge sɛumi tso ɔ nɔ nɛ e kɛ kpɔ wɔ. Yesu te si kɛ
je gbeje nɛ e ho hiwo ya. Amlɔ nɛ ɔ, Mawu maa
ngɔ wa he tɔmi ɔmɛ kɛ ke wɔ.

Ke o tsake o tsui kɛ je o yayami ɔmɛ a he ɔ, mo de
Mawu ke: Nyɔmtɛ Mawu, i he ye kaa Yesu ba gbo ha mi,
Moo ba ye wami mi nɛ o ngɔ ye he yayami ɔmɛ kɛ ke mi,
konɛ ma na wami ehe nɛ i kɛ Mo nɛ e hi si kɛ ya neneene.
Moo ye bua mi nɛ ma ye O munyu ɔ nɔ konɛ ma hi
si kaa O bi. Amen. Yohane 3:16


Moo kane o Baiblo ɔ konɛ o kɛ Mawu
nɛ na ni sɛɛmi be fɛɛ be.


Dangme

MAWU Nɛ BO Nɔ Fɛɛ Nɔ!
Bene Mawu bɔ kekleelele nɔmlɔ nɛ
ji Adam ɔ, e kɛ e yo Hawa hi Eden
Abɔɔ mi. A buu Mawu tue kɛ bua
jɔmi nɛ a nyaa nge e he
mi, ya si ligbi ko nɛ ...




‘Sino ngua a bi
Hawa ke, “Anɛ Mawu
de nye niine ke tso ɔmɛ
nɛ nge ngmɔ ɔ mi ɔ,
nye ko ye ekoeke nɔ
yiblii lo?” E he nɔ ke,
“Wa ma nye maa ye
tso yiblii tsua tso yiblii
lɛɛ ja tso yiblii kake
pɛ; Ke wa pee ja a, wa
ma gbo.”






Sinɔ ngua a de le ke, "Oo! Nyɛ be gboe!" "Nyɛ maa pee kaa Mawu." Hawa suɔ kaa e maa ye tso yiblii ɔ. E bu Sinɔ ngua a tue nɛ e ye tso yiblii ɔ.

3




Benɛ Hawa gbo Mawu tue nɛ e ye tso yiblii ɔ, e ha Adam hu eko nɛ e ye. Adam ko de ke, "Dabi! I be Mawu tue gboe."

4




Benɛ Adam ke Hawa a gbo Mawu tue ɔ, mɛ tsuo a heli si kaa a hɛɛ a he gu. A kpɛ ba ke pee bo nɛ a ke ha a he. Lɔ ɔ se ɔ, a laa a he nge pu ɔ mi ke je Mawu he mi.

5




Jamɛ a gbokɛ ɔ benɛ kɔɔhiɔ yluɔɔ ko nge fiaɛ ɔ, Mawu ba Abɔɔ mi. E le momo nɔ nɛ Adam ke Hawa a pee. Adam pia Hawa. Hawa hu pia Sinɔ ngua a. Mawu ke, "A gbiɛ Sinɔ ngua a. Yo ɔ hu maa na nɔ nge e hɔ ngɔmi ke e bi fomi mi."

6




"Adam, akɛnɛ o pee yayami he je ɔ, i gbiɛ zugba zu; nga ke mio maa puɛ nge nɔ. O ma tsu ni kpakpataa nɛ o maa nyla o hɛ mi latsa loko o maa na o nya mi ngma maa ye."

7



Mawu je Adam ke Hawa kpo nge Abɔɔ mi. A je Mawu he mi ejakaa a pee yayami. Mawu pee klaate ko nɛ nge la poe ke je mɛ kpo nge Abɔɔ mi. Mawu pee bo ke je lohwe womi mi ke ha Adam ke Hawa. Jije nɛ Mawu na lohwe womi ɔmɛ ke je?


8



Nge be babauu se ɔ, Adam ke Hawa ba fɔ bime. Kain, a bi Tɛtɛ ɔ peeɔ ngmɔ hulɔ. Se Tɛtɛ ɔ lɛɛ to nɔ hyɛlɔ ji lɛ. Ligbi ko ɔ, Kain ngɔ e ngmɔ mi ni ɔ ekomɛ ke ba sa bɔ ha Mawu. Habel hu ngɔ kekleleke bi nɛ e jijo ɔmɛ eko fɔ ɔ ke ba sa bɔ ha Mawu.


Mawu bua jɔ Habel bɔ ɔ he.

9




Se Kain lɛɛ Mawu na we e bɔ ɔ he bua jɔmi. Kain mi mi fu. Se Mawu ke, "E ji o pee nɔ nɛ hi ɔ, i ko na we o he bua jɔmi lo?"

10




Loloolo ɔ Kain mi mi fu. Kain nu e senɔ Habel nɛ e gbe lɛ benɛ a je kpo ke ya nga a nɔ.

11




Keke nɛ Mawu bi Kain ke, "Jiji o senɔ Habel nge?" Kain ye lakpa ke, "I li, Ami lɛ i hyɛɛ ye senɔ ɔ nɔ lo?" Mawu gbla Kain tue kaa e zugba a be ni bae nɛ e maa wo lalaalo nge je ɔ mi.

12




Kain je Mawu he mi. E ya ngɔ yo nɛ e bɔ weku. Be bɔɔ se ɔ, Kain bibime ke bibi mi bime ba hie babauu nɛ a kpe ma nɛ e po ɔ mi tsuo.

13




Jamɛ a be ɔ mi nouu, Adam ke Hawa a weku ɔ hu wa mlamlaamla. Sa a, nihi a se ke ɔ nge je mi loko a gbo ɔ.

14



Benɛ Hawa fɔ Seth ɔ, e ke, "I wo lɛ kikemɛ a bie nɛ ɔ ejakaa Mawu ha mi binyumu ke to Habel nɛ Kain gbe lɛ ɔ nane mi." Seth ji Mawu gbeye yelɔ nɛ hi si nge je ɔ mi jeha lafa nɛɛ ke nyɔngma ke enyɔ nɛ e fɔ bime fuu.

15




Benɛ yi nɔhi nge tsakee ɔ, yi wu tso ni peemihi ba pɔ he wawɛɛ nge je ɔ mi. Enɛ ɔ ha Mawu to yi mi kaa e ma kpata je ɔ he mi lohwehi tsuo. Mawu pia e he saminya kaa e bɔ nɔmlɔ adesa. Se nɔ kake pɛ nɛ e sa Mawu he ...

16



Nyumu nɛ ɔ ji Nowa nɛ peeɔ Seth nina. Nowa yeɔ dami sane nɛ piami ko kulaa be e he. E nyɛɛ nge Mawu blɔ nɔ. E tsɔɔ e bi etɛ ɔmɛ hu kaa a ye Mawu gbeye. Lɔ ɔ Mawu susu kaa e maa gu Nowa nɔ ke tsu nyakpɛ ni.

17



Nɔmlɔ adesa dengme gbomi sisije
Mawu munyu ko nɛ a je ke je Biblio ɔ mi
A maa na le nge
Mose I, 3-6

"O munyu ɔ nge kaa kane ha mi."
LA 119:130